

**საჯარო სამართლის იურიდიული პირი –  
ბათუმის შოთა რუსთაველის სახელმწიფო უნივერსიტეტი**

**ბრძანება N 01-02/30**

ქ. ბათუმი

4 მარტი, 2019 წ.

**ინკლუზიური განათლების სპეციალისტის (სპეციალური მასწავლებლის) შესარჩევი  
კონკურსის გამოცხადების შესახებ**

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, ბსუ-ს წესდების მე-13 მუხლის, „პროფესიული განათლების შესახებ“ საქართველოს კანონის, საქართველოს შრომის კოდექსის, „პროფესიული განათლების შესახებ“ საქართველოს კანონის, „ბსუ-ს დამხმარე საგანმანათლებლო სტრუქტურული ერთეულის „პროფესიული პროგრამების მართვისა და უწყვეტი განათლების ცენტრი“-ს შექმნისა და მისი დებულების დამტკიცების თაობაზე“ ბსუ-ს წარმომადგენლობითი საბჭოს 2018 წლის 5 ოქტომბრის N02 გადაწყვეტილების, „ბსუ-ს პროფესიული საგანმანათლებლო პროგრამების შემუშავების, შეფასებისა და განვითარების უზრუნველყოფის წესის დამტკიცების შესახებ“ ბსუ-ს აკადემიური საბჭოს 2019 წლის 6 თებერვლის N06-01/07 დადგენილების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 8 თებერვლის N01-02/11 ბრძანების, „ბსუ-ს პროფესიული პროგრამების მართვისა და უწყვეტი განათლების ცენტრის პროფესიული პროგრამების მართვის მიმართულებით დასაქმებული პერსონალის სამუშაო აღწერილობის დამტკიცების შესახებ“ ბსუ-ს ადმინისტრაციის ხელმძღვანელის 2018 წლის 31 ოქტომბრის N01-11/98 ბრძანების, „ბსუ-ს პროფესიული საგანმანათლებლო პროგრამების განმახორციელებელი პერსონალის შერჩევის, სამუშაო დატვირთვის განსაზღვრისა და შრომის ანაზღაურების გაცემის წესის დამტკიცების შესახებ“ ბსუ-ს რექტორის 2018 წლის 21 ნოემბრის N01-08/169 ბრძანების და პროფესიული პროგრამების მართვისა და უწყვეტი განათლების ცენტრის დირექტორის 2019 წლის 4 მარტის N265175 სამსახურებრივი ბარათის საფუძველზე


**ვ ბ რ ძ ა ნ ე ბ:**

1. გამოცხადდეს ღია კონკურსი სპეციალური საგანმანათლებლო საჭიროების მქონე (შემდეგში „სსსმ“) ბსუ-ს პროფესიული სტუდენტებისათვის ინკლუზიური განათლების სპეციალისტის (სპეციალური მასწავლებლის) შესარჩევად.
2. კანდიდატი უნდა აკმაყოფილებდეს შემდეგ საკვალიფიკაციო მოთხოვნებს:
  - ა) ფლობდეს არანაკლებ ბაკალავრის ან მასთან გათანაბრებულ აკადემიურ ხარისხს (სასურველია განათლების მაგისტრის აკადემიური ხარისხი);
  - ბ) გავლილი ჰქონდეს სპეციალური მასწავლებლის განათლების მოდული;

- გ) უნდა ჰქონდეს სპეციალურ მასწავლებლად/ინკლუზიური განათლების სპეციალისტად მუშაობის არანაკლებ 2 წლის სამუშაო გამოცდილება;
- დ) უნდა იცოდეს საკონკურსო თემატიკა („პროფესიული განათლების შესახებ“ საქართველოს კანონი, ბსუ-ს წესდება, შინაგანაწესი, ეთიკის კოდექსი, რექტორის ბრძანებით დამტკიცებული ინკლუზიური განათლების სპეციალისტის (სპეციალური მასწავლებლის) ფუნქციათა აღწერილობა).
3. კონკურსში მონაწილეობის მიზნით კონკურსანტმა ბსუ-ს კანცელარიის მეშვეობით უნდა წარმოადგინოს:
- ა) განცხადება;
  - ბ) პირადობის მოწმობის ასლი;
  - გ) უმაღლესი განათლების/კვალიფიკაციის დამადასტურებელი დოკუმენტის/დოკუმენტების ასლი/ასლები;
  - დ) ავტობიოგრაფია (CV - შევსების თარიღის მითითებით);
  - ე) ფერადი ფოტო (ზომა 3/4);
  - ვ) სამუშაო გამოცდილების დამადასტურებელი დოკუმენტი (ცნობა, შრომის წიგნაკის ასლი ან/და სხვა).
4. კონკურსის ვადები განისაზღვროს შემდეგნაირად:
- ა) საკონკურსო დოკუმენტაციის წარმოდგენა - 2019 წლის 5 მარტიდან 11 მარტის ჩათვლით;
  - ბ) კონკურსის ჩატარება (დოკუმენტაციის შემოწმება - I ეტაპი და კონკურსანტებთან გასაუბრება - II ეტაპი) - 2019 წლის 12-13 მარტი;
  - გ) საკონკურსო კომისიის მიერ საკონკურსო შედეგების საჯარო გამოცხადება ბსუ-ს ოფიციალური ვებგვერდის და კანცელარიასთან არსებული საინფორმაციო დაფის მეშვეობით - არაუგვიანეს 2019 წლის 14 მარტისა;
  - დ) კონკურსანტის სააპელაციო საჩივრის (ასეთის არსებობის შემთხვევაში) მიღება ბსუ-ს კანცელარიის მეშვეობით - 2019 წლის 15 მარტს, 10 საათიდან 15 საათამდე;
  - ე) სააპელაციო საჩივრის საკონკურსო კომისიის მიერ განხილვა და საბოლოო შედეგების გამოცხადება ბსუ-ს ოფიციალური ვებგვერდის მეშვეობით - არაუგვიანეს 2019 წლის 15 მარტი;
  - ვ) კონკურსში გამარჯვებულ კონკურსანტთან შრომითი ხელშეკრულების გაფორმება - 2019 წლის 18 მარტიდან (შრომითი ურთიერთობის ვადა - 2020 წლის 31 დეკემბრის ჩათვლით), ბსუ-ს რექტორის ბრძანებით დამტკიცებული ფორმის შესაბამისად.
5. გასაუბრების ჩატარების დრო და ადგილი კონკურსანტებს ეცნობება საკონკურსო კომისიის მიერ, გასაუბრების ჩატარებამდე არაუგვიანეს ერთი დღით ადრე (სატელეფონო შეტყობინებით ან/და ელექტრონული ფოსტის მეშვეობით ინფორმირება).
6. სპეციალური მასწავლებლის ყოველთვიური შრომის ანაზღაურება შეადგენს ერთი სტუდენტის შემთხვევაში - 300 ლარს (სტუდენტის რაოდენობის გაზრდის შემთხვევაში შრომის ანაზღაურების ოდენობა განისაზღვრება ბსუ-ს ადმინისტრაციის ხელმძღვანელის ბრძანებით).

7. სპეციალური მასწავლებელი ვალდებულია კომპეტენციის ფარგლებში შეასრულოს „ბსუ-ს პროფესიული საგანმანათლებლო პროგრამების შემუშავების, შეფასებისა და განვითარების უზრუნველყოფის წესის დამტკიცების შესახებ“ ბსუ-ს აკადემიური საბჭოს 2019 წლის 6 თებერვლის N06-01/07 დადგენილების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 8 თებერვლის N01-02/11 ბრძანების, რექტორის ბრძანებით დამტკიცებული ინკლუზიური განათლების სპეციალისტის (სპეციალური მასწავლებლის) ფუნქციები, „პროფესიული პროგრამების მართვისა და უწყვეტი განათლების ცენტრი“-ს უფლებამოსილი პირების მოთხოვნები და ბსუ-ს სხვა სამართლებრივი აქტებით დადგენილი სხვა ფუნქციები.
8. განცხადებების შემოტანის ვადის ამოწურვისთანავე კონკურსანტების შემოტანილი განცხადებები და თანდართული დოკუმენტაცია მიღება-ჩაბარების აქტის საფუძველზე კანცელარიამ გადასცეს საკონკურსო კომისიას.
9. ბრძანება განთავსდეს ბსუ-ს ვებგვერდზე (ვებზე - „კონკურსი“ და „ბსუ-ს პროფესიული პროგრამების მართვისა და უწყვეტი განათლების ცენტრი“).
10. ბრძანება გასაცნობად და აღსასრულებლად დაეგზავნოს ბსუ-ს რექტორის მოადგილეს (თამარ სირაძეს), ადმინისტრაციის ხელმძღვანელს, ბსუ-ს პროფესიული პროგრამების მართვისა და უწყვეტი განათლების ცენტრს, საინფორმაციო ტექნოლოგიების სამსახურს, იურიდიულ დეპარტამენტს და კანცელარიას.
11. ბრძანება ძალაშია ხელმოწერისთანავე.

რექტორი, ასოცირებული პროფესორი



მერაბ ხალვაში